



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

**Parisiis, 1644**

Epistola CXCIII. Ioannis Papae VIII. Ad Anastasivm Abbatem. Praecipit vt  
cellulam Gauderico episcopo reddat.

**urn:nbn:de:hbz:466:1-15967**

ad cuius auctorem beatum Petrum a Domino dictum est: *Pasce oves meas*, & cui traditæ sunt clauæ regni cælorum, Ioan. 21. vt quæcumque ligauerit super terram, ligata maneant & in Matth. 16. cælis: & quæcumque soluerit super terram, sint soluta & in cælis. Reuertere iam fili amantissime ad sanctam matrem tuam Romanam ecclesiam, quæ te religioso vtero genuit, & per quam totius religionis, & iustitiæ formam sancto prædecessore nostro Nicolao præfule mittente, suscepisti; & quæ omnium gentium retinet principatum, & ad quam totius mundi, quasi ad vnam matrem, & vnum caput, conueniunt nationes. Noli amplius deserere matrem tuam, quia illa tui non obliuiscitur: quin potius quasi vnicum diligit, & semper memoriam tui coram Domino facit. Non enim licitum fuit Græcis alterius parochiam usurpare, sanctis hoc patribus apertissime prohibentibus. Et idcirco ipsi contra Canones Spiritu Dei conditos, & totius mundi reuerentia consecratos, nostras retinent dioceses. Quos si pro tuo nobis non esset amore, iam per apostolicæ sedis sententiam inde compelleremus exire. Data vt supra.

EPISTOLA CXCIIL.  
IOANNIS PAPÆ VIII.  
AD ANASTASIVM ABBATEM.

Præcipit vt cellulam Gauderico episcopo reddat.

*Anastasio religioso abbati.*

**M**ONEMVS religionem tuam, & expresse præcipimus, vt omni remota occasione, & dilationis inuentione cellulam sancti Valentini in Sabinis positam, quam a Gauderico venerabili episcopo abstulisti, ei continuo reddas, vsque in nostram præsentiam, vt nec suum laborem perdat, nec pro eo, quod ex hinc nos adiit, sibi obesse, quin potius prodesse cognoscat: quod etiam tibi faciendum per præsentem cubicularium nostrum mandamus, vt aliter nullo modo facias: cum autem te nobis exhibueris, si merito sua negligentia fortasse ipsam cellulam amisit, nos eum contra iustitiam defendere nolumus; sicut nec illum innocentem perpeti damna permittimus. Data vt supra.